

元代史書

四庫全書
元史

元代史書 五卷

元
代
史料
叢刊
初編

黃山書社

元史紀事本末

元史紀事本末卷之一

明 高安陳邦瞻原編

吳興臧懋循補輯

太倉張溥論正

江南羣盜之平

世祖至元十七年十二月漳州民陳桂龍與起福建都元帥完者都等擊走之桂龍及其子陳容眼有眾數萬屯高安若據之朝且命完者都及副帥高興付之時建寧賊黃華勢尤猖獗完者都先引兵至其

陳桂龍與起
完者都高
擊走之

步軍驚懼乞降完者都素以華爲副元帥凡軍行悉以咨之桂龍等乘高爲險人莫敢進興命入挾束新進至半山棄新走如是六日誘其矢石皆盡乃藝新焚山斬首二萬級桂龍遁走入畚洞

高興等率
陳弔眼村
等來降

十九年夏四月陳桂龍降初桂龍旣遁陳弔眼猶擁衆連五十餘砦未下高興等擊斬之桂龍等遂帥其黨來降詔流桂龍於邊地十二月獲福州叛賊林天成就于市

二十年三月廣州新會林桂方趙良鈐等擁衆萬餘

合刺帶等招
降尤宗祖等

黃華復反詔
史弼等擊走
之

命撒里蠻討
黃大成等

號羅平國稱延康年號擒之九月象山縣海賊尤

宗祖等聚眾剽掠海上合刺帶等招降之凡九千五

百九十二人海道以寧冬十月建寧路總管黃華

復反聚眾十萬號頭陀軍稱宋祥興年號破崇安浦

城諸縣復改建寧詔史弼等引兵急擊之華敗走自

焚餘黨悉潰

二十一年二月漳州盜起邕州賓州梧州韶州衡州

民黃大成等相延為亂命湖南宣慰使撒里蠻將兵

討之詔遷宋宗室及大臣之仕者于內地時湖

欲捕宋宗室
阿魯輝達里
止之乃還所
地

月的迷失擒
黎德等

月的迷失討
降郭逢貴等
請遣良吏往
治

廣之。間兵與無寧歲有言宋宗室居江南欲反者。遣使捕之。宿衛士阿魯輝達里曰。江南初下。民疑未附。宋宗室反。不聞郡縣言。而信一人浮言。捕擊之。恐人人自危矣。帝悟。召使者還。故有是詔。十一月。江西行省叅知政事月的迷失擒獲海盜黎德及招降餘黨百三十三人。卽其地誅黎德弟黎浩及僞招討吳興等。檻送京師。

二十二年二月。廣東宣慰使月的迷失討潮惠二州盜郭逢貴等四十五寨。降民萬餘戶。軍三千六百一

十人請將所獲逢貴等入覲面陳事宜。詔許之。秋七月，至京師。言山寨降者百五十餘所。帝問戰而後降耶。招之卽降耶。對曰：「其首拒敵者，臣已磔之矣。是皆招降者也。因言前大兵後未嘗撫治其民，州縣官復無至者，故盜賊各據土地，互相攻殺，人民漸耗。今宜擇良吏往治，從之。」

趙和尚作亂

陳巽四等謀
謀反伏誅

二十三年春正月，西川趙和尚自稱宋福王子，廣王以誑民，謀作亂，伏誅。八月，婺州永康縣民陳巽四等謀反，伏誅。十一月，詔議弭盜，桑哥玉速帖木兒

桑哥等議責
州縣立限招
捕盜賊

董賢舉等相
繼起兵鍾明
亮屢降復叛
王暉請以計

言江南歸附十年盜賊迄今未清宜降旨立限招捕
而以安集責州縣之吏其不能者黜之葉季言臣在
漳州十年詳知其事大抵軍官嗜利與賊通者尤難
弭息宜令各處鎮守軍官例以三年轉徙庶革斯弊
帝皆從之詔江西行省平章忽都鐵木兒督捕廣東
等處盜賊

二十五年夏四月廣東民董賢舉浙江民楊鎮龍柳
世英循州民鍾明亮各擁眾萬餘相繼起兵皆稱大
老明亮勢尤猙獰詔遣江西行省丞相忙兀帶行樞

密院副使月的迷失發四省兵討之。明亮屢降復叛。既而福建按察使王恂上疏言福建郡縣五十餘處連山距海實邊徼要區。由平宋以來官吏殘虐。故愚民往往嘯聚。朝廷遣兵討之。復致蹂踐甚非一視同仁之意。況福建歸附之民戶幾百萬。黃華之變。十去四五。今明亮之勢。又烈於華。其可以尋常草竊視之乎。宜選精兵。明號令。以計取之。不然禍未已也。御史大夫月呂魯亦言江南盜起。凡四百餘處。宜選將討之。帝曰。月的迷失屢以捷聞。忙兀帶已往。卿毋以爲

慮

暹明亮降

月的迷失請
官鍾明亮等
帝不允

明亮復反

二十六年夏四月禁江南民挾弓矢犯者籍以為兵
 五月明亮率眾萬八千五百七十三人來降
 六月的迷失請以降賊明亮為循州知州宋士賢為
 梅州判官丘應祥等十八人為縣尹巡尉帝不允令
 明亮應祥並赴都 冬十月月的迷失以丘應祥董
 賢舉歸于京師丙戌明亮復反以眾萬人寇梅州江
 羅等以八千人寇漳州又韶雄諸賊二十餘處皆舉
 兵應之聲勢張甚詔月的迷失復與福建江西省令

不降吉帶討
葉萬五

陳機察等降
范文虎議遣
赴討

兵討之。且諭旨月的迷失鍾明亮既降，朕令汝遣赴
闕而汝玩嘗不發，致有是變。自今降賊，其卽遣之。
是月婺州賊葉萬五以衆萬人寇武義縣，殺千戶一
人。江淮省平章不隣吉帶將兵討之。十一月漳州
賊陳機察等八千人寇龍巖，執千戶張武義與楓林
賊合。福建行省兵大破之。陳機察五大老張順等以
其黨降，行省請斬之以警衆。事下樞密院議。范文虎
曰：賊固當斬，然既降乃殺之，何以示信。宜並遣赴闕
從之。

江西行樞密院討平華太老等

胡亮降管如德留之遂復

胡發等伏誅

不審古管漢習水戰

二十七年春正月江西賊華太老黃太老等掠樂昌諸郡行樞密院討平之 三月建昌賊丘元等稱太老集眾十餘人掠南豐諸郡太平縣賊葉大五集眾百餘人寇寧國皆擒斬之 五月月的迷失與江西行省管如德合兵討明亮降詔縛至闕下如德留明亮等不遣明亮復率眾寇贛州 六月徽州績溪賊胡發饒必成杭州賊唐珍建平賊王靜照蕪湖賊徐汝安孫惟俊等皆伏誅 十一月江淮行省平章不憐吉帶言福建盜賊已平惟浙東一道地極邊惡賊

所巢穴。初伯顏等於各路置軍鎮戍。蓋視地之輕重而爲多寡。後爲忙古解更易其法。今宜復還三萬戶分戍之。揚州建康鎮江三城跨據大江。人民繁會。宜置萬戶府七。杭州行省諸司府庫所在。宜置萬戶府四。瀕海沿江要害二十二所。宜增置戰艦。分兵閱習水戰之法。從之。是月興化路宣遊賊朱三十五寇青山處州青田賊劉甲乙等集衆萬餘人寇溫州平陽。

二十八年秋七月遣懲散總兵討平江南盜賊。

悲居安請還
官同月的迷
失

月的迷失請
誅江南豪右

董士選討平
劉六十不伐
其功

二十九年春正月詔江南避亂者令復業 九月治
書侍御史裴居安言月的迷失遇盜起不即加兵盜
去乃延誅平民詔台院遣官雜問之

三十年二月江西行院月的迷失言江南豪右多庇
匿盜賊宜誅為首者餘徙內縣從之

成宗元貞二年冬十月贛州民劉六十聚眾至萬餘
建立名號朝廷遣將討之多觀望不進賊勢益盛江
南行省左丞董士選請自往進至興國距其營百里
命將校分兵守地悉置激亂之人於法復誅奸民之

爲囊橐者于是民爭出自効不數日六十就擒餘黨悉散事平士選遣使奏聞但請黜人吏數人而已畧不及破賊事時稱其不伐

張溥曰元世祖至元十七年天下始一統其年漳州陳桂龍卽兵起與建寧黃華勢合繼以廣州之林桂方象山之尤宗祖循州之鍾明亮廣西之黃聖許等狐鳴豨突連歲弄兵終世祖之身未獲殄滅史皆目爲盜賊抑以大宋觀之亦有殷多士之倫也成王周公患四方之遠鑿三